

## **1.МАЪРУЗА МАТНИ**

### **14-мавзу. Хўжалик юритувчи субъектларнинг молиявий барқарорлиги: баҳолаш, кўрсаткичлари, ошириш йўллари Режа:**

- 1. Молиявий барқарорлик ва уни таъминлаш омиллари.**
- 2. Молиявий барқарорлик кўрсаткичлари ва уларни ошириш йўллари**

#### **1. Молиявий барқарорлик ва уни таъминлаш омиллари**

Хўжалик юритувчи субъектларнинг молиявий барқарорлиги қуидагилар билан характерланади:

- ташқи қарз манбаларидан молиявий мустақиллик;
- молиявий ресурслардан еркин ва самарали фойдаланиш борасида ХЮС нинг қобилияти;
- хўжалик фаолиятини таъминлаш учун зарур бўлган ўз маблағлари суммаларининг ХЮС да барқарор мавжудлиги.

Молиявий барқарорлик мазмунининг асосида ХЮС молиявий ресурсларини самарали шакллантириш, тақсимлаш ва улардан фойдаланиш ётади. Молиявий барқарорликнинг таҳлили таҳлил даври мобайнида ХЮС ўзининг молиявий ресурсларини қуидаги вазифаларни ечиш учун қанчалик тўғри бошқарганлигини аниқ-лашга имкон беради:

- талаб маҳсулотига ега бўлган ишлаб чиқариш жараёнининг узлуксизлигини таъминлаш;
- маҳсулот реализация қилинишининг узлуксизлигини йўлга қўйиш;
- инновацион асосда ишлаб чиқариш базасини кенгайтириш ва янгилаш.

Бу вазифаларни муваффақиятли бажариш учун ХЮС нинг фаолияти тўғрисида тўлиқ ва ишончли маълумотларга ега бўлмоқ лозим. Бунда молиявий ресурслар ҳолатининг бозор талабларига мувофиқ келиши ва ХЮС тараққиётининг еҳтиёжларига жавоб бериши муҳим ҳисобланади.

ХЮСларнинг молиявий барқарорлигига хилма-хил бўлган жуда қўплаб омиллар ўз таъсирини кўрсатади. Улар, одатда, қуидаги белгиларига кўра классификация қилинади:

- вужудга келиш жойига қараб;
- натижасининг муҳимлигига кўра;
- таркибий тузилмаси бўйича;
- ҳаракат этиш даврига мувофиқ.

**Вужудга келиш жойига қараб** ХЮС ларнинг молиявий барқарорлигига таъсир кўрсатувчи омиллар қуидаги икки гурӯхга бўлинади:

- ички;

- ташқи.

**Натижасининг муҳимлигига кўра** молиявий барқарорликка ўз таъсирини қўрсатувчи омиллар қуидаги икки гурухдан ташкил топади:

- асосий омиллар;
- иккинчи даражали аҳамиятга ега бўлган омиллар.

**Таркибий тузилмаси бўйича** ХЮС ларнинг молиявий барқарорлигига таъсир қўрсатувчи омиллар қуидаги икки гурухдаги омиллардан таркиб топади:

- оддий;
- мураккаб.

**Ҳаракат этиш даврига мувофиқ** молиявий барқарорликка ўз таъсирини қўрсатувчи омилларни қуидаги икки гурухга ажра-тиш мумкин:

- доимий;
- вақтинчалик.

Юқоридагиларнинг орасида енг муҳими омилларнинг ташқи ва ички гурухи ҳисобланиб, у омилларнинг намоён бўлишига, миқдорий ва сифат мазмунига у ёки бу даражада ХЮС нинг бево-сита таъсир қўрсатиш имкониятини аниқ аниқлаб беради.

ХЮС ларнинг молиявий барқарорлигига ўз таъсирини қўрса-тувчи асосий ички омилларга қуидагилар киради:

- молиявий ресурсларнинг таркиби ва таркибий тузилмаси, уларни бошқаришнинг тактикаси ва стратегияси;
- ХЮС мол-мулкининг таркиби ва таркибий тузилмаси;
- ишлаб чиқариш чиқимларининг таркиби ва таркибий тузил-маси, уларни қисқартириш имкониятлари;
- ишлаб чиқариладиган маҳсулотнинг тўловга лаёқатли бозор талабига мувофиқлиги;
- ХЮС нинг қайси тармоққа мансублиги ва бошқалар.

Бу омилларнинг таъсирини баҳолаш менежерларнинг касбий маҳоратига, уларнинг компетентлигига, ички ва ташқи муҳитдаги ўзгаришлар ва ўзаро боғлиқликни ҳисобга олиш қобилиятига кўп жиҳатдан боғлик.

Молиявий барқарорликка таъсир етuvчи ташқи омилларга қуидагиларни киритиш мумкин:

- хўжалик юритишнинг иқтисодий шароитлари таъсири;
- давлатнинг солиқ ва кредит сиёсати;
- истеъмолчиларнинг тўловга лаёқатли талаби ва даромад-ларининг даражаси;
- жамиятда техника тараққиёти, техника ва технологиялар-нинг умумий даражаси;
- ташқи иқтисодий алоқаларнинг даражаси;
- ХЮС фаолияти устидан назорат бўйича қонунчилик актлари;
- ва бошқалар.

ХЮС нинг молиявий барқарорлигига таъсир кўрсатувчи омилларга боғлиқ равища у қўйидагиларга бўлиниши мумкин:

- ички барқарорлик;
- ташқи барқарорлик;
- умумий барқарорлик.

**Ички барқарорлик** ХЮС нинг шундай молиявий ҳолатидир-ки, унда фаолият кўрсатишнинг барқарор юқори натижаси, енг биринчи навбатда, ички омилларнинг фаоллаштирилиши ҳисоби-дан таъминланади.

Ўз навбатида, **ташқи барқарорлик** ХЮС нинг шундай мо-лиявий ҳолатидирки, у доирасида ХЮС фаолият кўрсатадиган иқ-тисодий муҳитнинг барқарорлиги билан белгиланади. Бундай бар-қарорлик бутун мамлакат масштабида ривожланаётган иқтисодиёт шароитида еришилади.

Ва нихоят, **умумий барқарорлик** ХЮС нинг шундай молиявий ҳолатидирки, унда ички ва ташқи омилларнинг ўзаро таъсир-чанлигини фаоллаштириш ҳисобидан маблағлар тушумининг уларнинг харажат қилинишидан ортиқчалиги таъминланади.

ХЮС лар молиявий ҳолатининг барқарорлиги молиялашти-ришда еҳтиёжларни қондиришнинг манбалари сифатида ўз ва қарз маблағларининг нисбати асосида ҳисобланадиган нисбий ва абсо-лют кўрсаткичлар тизими билан баҳоланади. Етарли бўлмаган мо-лиявий барқарорлик ХЮС ни тўловга ноқобиллийкка ва ишлаб чиқаришни ривожлантириш учун унда маблағлар мавжуд бўлмас-лигига олиб келиши мумкин. Аксинча, ортиқча молиявий барқарор-лик еса тараққиётга тўскинлик қилишга, ортиқча захиралар туфайли харажатларнинг оғирлашувига сабаб бўлади.

Молиявий барқарорликни таҳлил қилишнинг вазифалари қўйидагилардан иборат:

- ўз айланма маблағларининг суммаларини аниқлаш ва улар-нинг динамикасига таъсир етuvчи омилларни билиш;
- захиралар, харажатлар ва барча айланма активларни шакллантириш қисми бўйича молиявий барқарорликни баҳолаш;
- молиявий барқарорликнинг типини аниқлаш.

Ўз айланма маблағлари, захиралар ва харажатларни шакллантиришнинг бошқа манбалари кўрсаткичларининг нисбатига ва захираларнинг ўлчамига боғлиқ равища ХЮСлар молиявий барқа-рорлигининг қўйидаги типларини ажратиб кўрсатиш мумкин:

- абсолют молиявий барқарорлик;
- соғлом (нормал) молиявий барқарорлик;
- нобарқарор молиявий аҳвол;
- кризисли молиявий ҳолат.

**Абсолют молиявий барқарорликнинг** асосий шарти нотў-ловлар ва улар келиб чиқиш сабабларининг мавжуд емаслигидир.

**Соғлом (нормал) молиявий барқарорлик** ички ва ташқи молиявий интизомнинг бузилмаслигини тақозо етади.

**Нобарқарор молиявий аҳвол** молиявий интизомнинг бузили-ши (мехнат ҳақини тўлашдаги кечикишлар, вақтинча бўш турган ўз маблағлари, резерв фондлари ва бошқа фондлардан фойдаланиш), ҳисоб-китоб счётига пул маблағларининг узилишлар билан туши-ши, рентабелликнинг нобарқарорлиги, молиявий режанинг, жумла-дан, фойда бўйича режанинг бажарилмаслиги ва ҳ.к.лар билан характерланади.

**Кризисли молиявий ҳолат** қуйидаги бир неча даражаларга ега:

- биринчи даража (1): муддати ўтказиб юборилган банк ссудаларининг мавжудлиги;
- иккинчи даража (П): 1 + товарлар бўйича мол етказиб бе-рувчиларга муддати ўтказиб юборилган қарздорликнинг мавжуд-лиги;
- учинчи даража (Ш): П + бюджетга нисбатан боқиманда-ларнинг мавжудлиги.

Кризисли молиявий ҳолатда захиралар ва харажатлар уларни шакллантириш манбалари билан таъминланмайди ва бу нарса ХЮС ва банкротлик остонасидаги чукур кризис тўғрисида хулоса чиқа-ришга асос бўлади. Бундай вазиятда пул маблағлари, қисқа муддат-ли қимматли қоғозлар ва дебиторлик қарзлари унинг кредиторлик қарзларини ва муддати ўтказилган ссудаларни қопламайди.

**ХЮС нинг молиявий ҳолати** комплекс тушунча бўлиб, унинг хўжалик ва тижорий фаолияти жараёнида вужудга келадиган молияв-ий муносабатлар барча елементларининг ўзаро таъсирчанлигини акс еттиради. ХЮС нинг молиявий ҳолати маблағларни жойлаштириш ва улардан фойдаланиш ҳамда уларни шакллантириш манбалари билан характерланади. Молиявий ҳолатни аниқлаш учун қуйидагиларни ўз ичига олувчи молиявий таҳлил ўтказилади:

- молиявий ҳолатнинг экспресс-таҳлили (активлар ва пассив-лар таркибий тузилмасининг, мол-мулк, захиралар ва харажатлар ҳолатининг таҳлили);
- молиявий барқарорлик таҳлили;
- ХЮС баланси ликвидлигининг таҳлили;
- фаолиятнинг молиявий натижалари таҳлили;
- рентабеллик ва ишбилармонлик фаоллиги таҳлили.

ХЮС нинг молиявий ҳолати, шунингдек, молиявий ресурсларни шакллантириш ва улардан фойдаланиш жараёнларини акс еттируви кўрсаткичлар мажмуи билан ҳам характерланади. Молиявий-хўжалик фаолиятининг натижалари фақат ХЮС ишчи ва хизматчиларининг дикқат-сътиборида бўлибина қолмасдан, худди шу нарса хўжалик фаолияти бўйича унинг ҳамкорлари, давлат, молия, солиқ органлари ва бошқаларнинг ҳам дикқат марказида бўлади. Буларнинг барчаси ХЮС молиявий ҳолати таҳлилини амалга оширишнинг муҳимлиги ва унинг иқтисодий жараёнлардаги аҳамиятини оширади.

Молиявий таҳлилнинг мақсади қуйидагилардан иборат:

- молиявий ҳолат кўрсаткичларининг ўзгаришини аниқлаш;
- барқарорликка таъсир кўрсатувчи омилларни аниқлаб олиш;

- молиявий ҳолатнинг сифат ва миқдорий ўзгаришларини баҳолаш;
- маълум бир сана учун ХЮС молиявий аҳволини баҳолаш;
- молиявий ҳолат ўзгаришининг асосий йўналишларини аниқлаш;
- ва бошқалар.

Молиявий ҳолат таҳлилида ХЮС томонидан реализация қи-линган маҳсулотнинг рентабеллиги, унинг ишловчи капитали, молиявий барқарорлиги, балансининг ликвидлиги, тўлов қобилияти ва кредитга лаёқатлиги аниқланади ва уларга баҳо берилади.

ХЮСнинг соғлом (нормал) молиявий барқарорлиги хусусида қуйидаги параметрларни биргаликда олиб қараб гапириш мумкин:

- тўлов қобилияти (ўз мажбуриятлари бўйича ХЮС нинг барқарор ҳисоб-китобларни амалга ошириш имконияти);
- баланснинг ликвидлиги (мажбуриятларни ликвид активлар билан қоплаш даражаси);
- кредитга лаёқатлилик (кредитларни қайтариш қобилияти);
- рентабеллик (фойдалилик).

Юқорида келтирилганларнинг ҳар бири таҳлил қилишнинг ўз методикасига ега.

## **2. Молиявий барқарорлик кўрсаткичлари ва уларни ошириш йўллари**

Молиявий барқарорликнинг таҳлили абсолют ва нисбий кўр-саткичлар – молиявий коефициентлар – ёрдамида амалга оши-рилиши мумкин.

Молиявий коефициентларни ҳисоблаш учун информацион база сифатида бухгалтерия ҳисботи хизмат қиласи. Бу коефи-циентлар баланс тузилган санада ҳисобланади ва динамик кўри-нишда қараб чиқилиши мумкин.

Енг умумий кўринишда ХЮС нинг молиявий барқарорлигини қуйидаги кўрсаткичлар характерлайди:

- автономлик коефициенти;
- қарз капиталининг концентрациялашуви коефициенти;
- қарз ва ўз маблағларининг нисбати коефициенти.

**Автономлик коефициенти** ХЮС нинг барча мулкига жойлаштирилган ўз маблағларининг барча маблағларнинг умумий сум-масидаги ҳиссаси (салмоғини кўрсатади). Уни қуйидаги формула ёрдамида ҳисоблаш мумкин:

$$K_a = \check{Y}_k : B_b$$

Бу ерда:  $K_a$  - автономлик коефициенти;

$\check{Y}_k$  - ўз капитали (“Капитал ва резервлар” деб номланувчи баланс Ш бўлимининг жами;

**Б<sub>b</sub>** - баланс валютаси (ўз ва қарз капитали йиғиндиси, яъни молиялаштиришнинг умумий суммаси).

ХЮСнинг молиявий аҳволи автономлик коеффициентининг даражаси 0,5дан кичик бўлмаган ҳолда барқарор деб ҳисобланади. Бу ХЮСнинг ярим мулки унинг ўз маблағлари ҳисобидан шакл-ланганлигини англатади. Автономлик коеффициентининг ўсиши молиявий барқарорликнинг ошганлигидан далолат беради.

**Қарз капиталининг концентрациялашуви коеффициенти** қарзнинг капитал умумий суммасидаги салмоғини аниқлаб беради ва уни формула ёрдамида қўйидагича ифодалаш мумкин:

$$K_{qk} = K_k : B_b$$

Бу ерда: **K<sub>qk</sub>** – қарз капиталининг концентрациялашуви коеффициенти;

**K<sub>k</sub>** – қарз капитали баланс пассивининг 1В ва В бўлимлари йиғиндиси;

**B<sub>b</sub>** – баланс валютаси (ўз ва қарз капитал йиғиндиси, яъни молиялаштиришнинг умумий суммаси).

Қарзнинг салмоғи қанча катта бўлса, ХЮС нинг молиялаштириш ташқи манбаларига боғлиқлиги, бундан келиб чиқувчи оқибатлар билан биргаликда, шунча юқори бўлади. Юқоридаги ҳар иккала коеффициентлар бир-бири билан узвий боғланган. Уларнинг боғлиқлиги қўйидаги қўринишга ега:

$$K_a + K_{qk} = 1$$

**Қарз ва ўз маблағларининг нисбати коеффициенти** ХЮС мажбуриятларининг ўз маблағларига нисбати билан аниқланади:

$$K_{qu} = M_{qk} : \check{Y}_k$$

Бу ерда: **K<sub>qu</sub>** – қарз ва ўз маблағларининг нисбати коеффициенти;

**M<sub>qk</sub>** – мажбуриятлар (қарз капитал);

**Ў<sub>k</sub>** – ўз капитали (ўз маблағлари).

Қарз ва ўз маблағларининг нисбати коеффициенти ўз маблағлари активларига жойлаштирилган ҳар бир сўмга ХЮС томонидан қарз маблағлар жалб қилинганлигини кўрсатади. Ҳисобот даври давомида бу

коэффициент даражасининг ортиши ХЮС жалб қилинаётган қарз маблағларига боғлиқлигининг кучайганлигидан ва молиявий барқарорлигининг пасайганлигидан дарак беради. Бу коэффициент автономлик коэффициенти билан боғланган ва бу боғланиш қуйидаги кўринишга ега:

$$K_{qu} = 1 / K_a - 1$$

Шундай қилиб, унинг даражаси бирга teng ёки ундан кичик бўлиши керак.

Юқоридаги умумий коэффициентлардан ташқари ХЮС жорий фаолиятининг молиялаштириш ўз манбалари – ўз айланма маблағлари – билан таъминланганлиги ҳам баҳоланади. Бу нарса ХЮС молиявий барқарорлигининг қуйидаги нисбий кўрсаткич-ларини ҳисоблашга асосланган:

- захиралар ва харажатларнинг ўз капитали билан таъминланганлик коэффициенти;
- молиявий мустақиллик коэффициенти;
- ўз капиталининг манёврлилик коэффициенти.

**Захиралар ва харажатларнинг ўз капитали билан таъминланганлик коэффициенти** ўз айланма маблағлари суммаси-нинг моддий захиралар ва харажатлар қийматига нисбати билан аниқланади ва уни формула орқали қуйидагича кўрсатиш мумкин:

$$K_{tzx} = \bar{Y}_{am} : K_{zx}$$

Бу ерда:  $K_{tzx}$  – захиралар ва харажатларнинг ўз капитали билан таъминланганлик коэффициенти;  
 $\bar{Y}_{am}$  – ўз айланма маблағлари;  
 $K_{zx}$  – моддий захиралар ва харажатлар қиймати.

Бу коэффициентнинг даражаси моддий захиралар ва хара-жатларнинг ўз манбалари билан қандай қопланганлигини ва қарзий маблағларни жалб қилишга муҳтож емаслигини кўрсатади. Унинг йўл қўйилиши мумкин бўлган минимал даражаси 0,6-0,8 га teng.

**Молиявий мустақиллик коэффициенти** ўз айланма маблағ-ларининг жорий айланма активлар суммасига нисбати билан аниқ-ланади:

$$K_{mm} = \bar{Y}_{am} : \bar{J}_{aa}$$

Бу ерда:  $K_{mm}$  – молиявий мустақиллик коэффициенти;  
 $\bar{Y}_{am}$  – ўз айланма маблағлари;  
 $\bar{J}_{aa}$  – жорий айланма активлар.

Молиявий мустақиллик коефициенти ХЮС га тегишли бўл-ган айланма маблағларнинг қанча қисми ўз капитали ҳисобидан шакллантирилганлигини кўрсатади. Агар унинг даражаси 1 га teng ёки ундан катта бўлса, у ҳолда бу абсолют молиявий барқарорлик-ни англатади. Коефициентнинг даражаси 1 дан қанча паст бўлса, ХЮС молиявий ҳолати шунча нобарқарордир. Бу коефициент-нинг критик даражаси 0,1 га teng.

**Ўз капиталининг манёврлилик коефициенти** ХЮС ўз айланма маблағларининг ўз капитали суммасига нисбати орқали ифодаланади:

$$K_m = \frac{\sum_{am}}{\sum_k}$$

Бу ерда:  $K_m$  – ўз капиталининг манёврлилик коефициенти;

$\sum_{am}$  – ўз айланма маблағлари;

$\sum_k$  – ўз капитали.

Бу коефициент ўз капиталининг қанча қисми жорий фао-лиятни молиялаштиришда фойдаланилаётганлиги ва қанча қисми капиталлаштирилганлигини кўрсатади. Унинг 0,5 га teng бўлган даражаси оптимал ҳисобланади

Зарур бўлган ҳолларда ХЮС нинг молиявий барқарорлигини характеристлайдиган бошқа кўрсаткичлардан ҳам фойдаланиш мумкин.

ХЮС молиявий барқарорлигини оширишнинг омиллари қуидагилардан иборат:

- асосий ва айланма маблағларнинг мазмунини оптималлаштириш: инновацион технологиялар сотиб олишни кўпайтириш, ту-галланмаган ишлаб чиқаришни қисқартириш, маҳсулот таннархини пасайтириш;
- ХЮС пул-ҳисоб-китоб ўзаро алоқаларининг самарадорлигини ошириш;
- оқилона баҳо сиёсати ва фойдани тақсимлашни оптималлаштириш;
- муваффақиятли молиявий стратегияни амалга оширишни, ХЮС нинг соғлом (нормал) ишини таъминловчи молиявий ресурс-ларни шакллантиришнинг мумкин бўлган вариантларини асослаш.


## НАЗОРАТ УЧУН САВОЛЛАР

- ХЮС ларнинг молиявий барқарорлиги нималар билан характерланади?
  - Молиявий барқарорлик мазмунининг асосида нималар ётади?
  - Молиявий барқарорликнинг таҳлили даври мобай-нида ХЮС ўзининг молиявий ресурсларини қандай вазифаларни ечиш учун қанчалик тўғри бошқарганligини аниқлашга имкон беради?
  - ХЮСларнинг молиявий барқарорлигига қандай омиллар ўз таъсирини кўрсатади ва улар қандай белгиларига кўра классифика-ция қилинади?
  - Вужудга келиш жойига қараб ХЮСларнинг молиявий барқа-рорлигига таъсир кўрсатувчи омиллар қандай гурухларга бўлинади?
  - Натижасининг муҳимлигига кўра молиявий барқарорликка ўз таъсирини кўрсатувчи омиллар қандай гурухлардан ташкил топади?
  - Таркибий тузилмаси бўйича ХЮСларнинг молиявий барқарорлигига таъсир кўрсатувчи омиллар қандай икки гурухдаги омиллардан таркиб топади?
  - Ҳаракат етиш даврига мувофиқ молиявий барқарорликка ўз таъсирини кўрсатувчи омилларни қандай гурухларга ажратиш мумкин?
  - ХЮС ларнинг молиявий барқарорлигига ўз таъсирини кўр-сатувчи асосий ички омилларга нималар киради?
  - Молиявий барқарорликка таъсир етувчи ташқи омилларга нималарни киритиш мумкин?
  - ХЮС нинг молиявий барқарорлигига таъсир кўрсатувчи омилларга боғлиқ равища барқарорлик нималарга бўлиниши мумкин?
  - Ички, ташқи ва умумий барқарорлик дейилганда нималар тушунилади?
  - Молиявий барқарорликни таҳлил қилишнинг вазифалари нималардан иборат?
    - Ўз айланма маблағлари, захиралар ва харожатларни шакллантиришнинг бошқа манбалари кўрсаткичларининг нисбатига ва захираларнинг ўлчамига боғлиқ равища барқарорлик нималарга барқарорлигининг қандай типларини ажратиб кўрсатиш мумкин?
    - Абсолют молиявий барқарорлик, соғлом (нормал) молия-вий барқарорлик, нобарқарор молиявий аҳвол ва кризисли молия-вий ҳолат дейилганда нималар тушунилади?
    - Молиявий ҳолатни аниқлаш учун нималарни ўз ичига оловчи молиявий таҳлил ўтказилади?
    - Молиявий таҳлилнинг мақсади нималардан иборат?
    - ХЮС нинг соғлом (нормал) молиявий барқарорлиги хусусида қандай параметрларни биргаликда олиб қараб гапириш мумкин?
    - Молиявий барқарорликнинг таҳлили нималар ёрдамида амалга оширилиши мумкин?

- Энг умумий кўринишда XIOS нинг молиявий барқарорли-гини қандай кўрсаткичлар характерлайди?
  - Автономлик коефициенти, қарз капиталининг концентрациялашуви коефициенти, қарз ва ўз маблағларининг нисбати коефициентлари қандай хисобланади?
  - XIOS жорий фаолиятининг молиялаштириш ўз манбалари – ўз айланма маблағлари – билан таъминланганлиги қандай коеф-фициентлар ёрдамида баҳоланади?
  - Захиралар ва харажатларнинг ўз капитали билан таъмин-ланганлик коефициенти, молиявий мустақиллик коефициенти, ўз капиталининг манёврлилик коефициентлари қандай ҳисобла-нади ва улар нималарни англатади?
  - XIOS молиявий барқарорлигини оширишнинг омиллари нималардан иборат?

## 2. ТАРҚАТМА МАТЕРИАЛ

### 14.1. Молиявий барқарорлик ва уни таъминлаш омиллари



## Молиявий барқарорликнинг таҳлили

таҳлил даври мобайнида ХЮС ўзининг молиявий ресурсларини қуидаги вазифаларни ечиш учун қанчалик тўғри бошқарганлигини аниқлашга имкон беради:

талаб маҳсулотига эга бўлган ишлаб чиқариш жараёнининг узлуксизлигини таъминлаш

маҳсулот реализация қилинишининг узлуксизлигини йўлга қўйиш

инновацион асосда ишлаб чиқариш базасини кенгайтириш ва янгилаш


Бу вазифаларни муваффақиятли бажариш учун ХЮС нинг фаолияти тўғрисида тўлиқ ва ишончли маълумотларга эга бўлмоқ лозим

Бунда молиявий ресурслар ҳолатининг бозор талабларига мувофиқ келиши ва ХЮС тараққиётининг эҳтиёжларига жавоб бериши муҳим ҳисобланади


**ХЮС ларнинг молиявий барқарорлигига таъсир қилувчи  
омилларнинг маълум бир белгиларга кўра  
классификацияланиши**




## **ХЮС ларнинг молиявий барқарорлигига ўз таъсирини кўрсатувчи асосий ички омиллар**



## **Молиявий барқарорликка таъсир этувчи ташқи омиллар**




## **ХЮС нинг молиявий барқарорлигига таъсир кўрсатувчи омилларга боғлиқ равиша молиявий барқарорлик қўйидагиларга бўлиниши мумкин**







ХЮС лар молиявий ҳолатининг барқарорлиги молиялаштиришда эҳтиёжларни қондиришнинг манбалари сифатида ўз ва қарзий маблағларнинг нисбати асосида ҳисобланадиган нисбий ва абсолют кўрсаткичлар тизими билан баҳоланади. Етарли бўлмаган молиявий барқарорлик ХЮС ни тўловга ноқобилликка ва ишлаб чиқаришни ривожлантириш учун унда маблағларнинг мавжуд бўлмаслигига олиб келиши мумкин. Аксинча, ортиқча молиявий барқарорлик эса тараққиётга тўсқинлик қилишга, ортиқча захиралар туфайли харажатларнинг оғирлашувига сабаб бўлади.

## **Молиявий барқарорликни таҳлил қилишнинг вазифалари қўйидагилардан иборат**



**Ўз айланма маблағлари, захиралар ва харажатларни шакллантиришнинг бошқа манбалари кўрсаткичларининг нисбатига ва захираларнинг ўлчамига боғлиқ равишда ХЮС лар молиявий барқарорлигининг қўйидаги типларини ажратиб кўрсатиш мумкин**






## Кризисли молиявий ҳолат қўйидаги бир неча даражаларга эга




## **ХЮС нинг молиявий ҳолати**

- комплекс тушунча бўлиб, унинг хўжалик ва тижорий фаолияти жараёнида вужудга келадиган молиявий муносабатлар барча элементларининг ўзаро таъсирчанлигини акс эттиради
- маблағларни жойлаштириш ва улардан фойдаланиш ҳамда уларни шакллантириш манбалари билан характерланади
- молиявий ресурсларни шакллантириш ва улардан фойдаланиш жараёнларини акс эттирувчи кўрсаткичлар мажмуми билан ҳам характерланади
- ↓
  - аникилаш учун қуидагиларни ўз ичига олувчи молиявий таҳлил ўтказилади
  - молиявий ҳолатнинг экспресс-таҳлили (активлар ва пасивлар таркибий тузилмасининг, мол-мулк, захиралар ва харажатлар ҳолатининг таҳлили)
  - молиявий барқарорлик таҳлили
  - ХЮС баланси ликвидлигининг таҳлили
  - фаолиятнинг молиявий натижалари таҳлили;
- ↓
  - рентабеллик ва ишбилармонлик фаоллиги таҳлили.


## Молиявий таҳлилнинг мақсади қуидагилардан иборат




## Молиявий ҳолат таҳлилида



**ХЮС нинг соғлом (нормаль) молиявий  
барқарорлиги хусусида қуидаги  
параметрларни биргаликда олиб қараб  
гапириш мумкин**



## 14.2. Молиявий барқарорлик кўрсаткичлари ва уларни ошириш йўллари



**Энг умумий кўринишда ХЮС нинг молиявий барқарорлигини қуидаги кўрсаткичлар характерлайди**



## **Автономлик коэффициенти**

ХЮС нинг барча мулкига жойлаштирилган ўз маблағларининг барча маблағларнинг умумий суммасидаги хиссаси (салмоғи)ни кўрсатади

ХЮС нинг молиявий аҳволи автономлик коэффициентининг даражаси 0,5 дан кичик бўлмаган ҳолда барқарор деб ҳисобланади. Бу ХЮС нинг ярим мулки унинг ўз маблағлари ҳисобидан шаклланганлигини англатади

Автономлик коэффициентининг ўсиши молиявий барқарорликнинг ошганлигидан далолат беради

## **Қарз капиталининг концентрациялашуви коэффициенти**


қарзнинг капитал умумий суммасидаги салмоғини аниқлаб беради

Қарзнинг салмоғи қанча катта бўлса, ХЮС нинг молиялаштириш ташқи манбаларига боғлиқлиги, бундан келиб чиқувчи оқибатлар билан биргаликда, шунча юқори бўлади

## Қарз ва ўз маблағларининг нисбати коэффициенти

- ХЮС мажбуриятларининг ўз маблағларига нисбати билан аниқланади
- Қарз ва ўз маблағларининг нисбати коэффициенти ўз маблағлари активларига жойлаштирилган ҳар бир сўмга ХЮС томонидан қанча қарз маблағлари жалб қилинганинг кўрсатади
- Ҳисобот даври давомида бу коэффициент даражасининг ортиши ХЮС жалб қилинаётган қарз маблағларига боғлиқлигининг кучайганлигидан ва молиявий барқарорлигининг пасайганлигидан дарак беради
- ↓  
унинг даражаси бирга teng ёки ундан кичик бўлиши керак

## ХЮС молиявий барқарорлигини характерловчи нисбий кўрсаткичлар



## **Захиралар ва харожатларнинг ўз капитали билан таъминланганлик коэффициенти**

- ўз айланма маблағлари суммасининг моддий захиралар ва харожатлар қийматига нисбати билан аниқланади
- Бу коэффициентнинг даражаси моддий захиралар ва харожатларнинг ўз манбалари билан қандай қопланганлигини ва қарз маблағларини жалб қилишга муҳтож эмаслигини кўрсатади
- Унинг йўл қўйилиши мумкин бўлган минимал даражаси 0,6-0,8 га тенг

## **Молиявий мустақиллик коэффициенти**

- ўз айланма маблағларининг жорий айланма активлар суммасига нисбати билан аниқланади
- ХЮС га тегишли бўлган айланма маблағларнинг қанча қисми ўз капитали ҳисобидан шакллантирилганлигини кўрсатади
- Агар унинг даражаси 1 га тенг ёки ундан катта бўлса, у холда бу абсолют молиявий барқарорликни англатади
- Коэффициентнинг даражаси 1 дан қанча паст бўлса, ХЮС молиявий ҳолати шунча нобарқарордир
- Бу коэффициентнинг критик даражаси 0,1 га тенг

### **3.АМАЛИЙ МАШГУЛОТ УЧУН МАТЕРИАЛ**

#### **1-топширик**

##### **1.Саволга жавоб ёзинг.**

Хўжалик юритувчи субъектларнинг нарх сиёсати деб нимага айтилади?

##### **2.Тестни ечинг:**

1.Корхонани банкротлиги жаҳон амалиётида қандай сабабларга кўра юзага келади?

- a) молиявий ва ташкилий сабаблар
- b) глобал сабаблар
- c) эффектив сабаблар
- d) a,b
- e) a,c

9. Олинги даромадлар хисобига харажатларни қоплаш –

- a) молиявий усиш
- b) эффектив усиш
- c) ўз-ўзини молиялаштириш
- d) ўзини ўзи коплаш
- e) c,d

10.Молиявий менежментнинг функциялари:

- a) режалаштириш, тартибга солиш, таваккалчилик,прогнозлаштириш, ташкил этиш
- b) режалаштириш, тартибга солиш, рагбатлантириш,прогнозлаштириш, ташкил этиш
- c) тартибга солиш, прогнозлаштириш, ташкил этиш, рагбатлантириш , жамғариш
- d) рагбатлантириш, прогнозлаштириш,огохлантириш,тартибга солиш,ташкил қилиш
- e) прогнозлаштириш,ташкил қилиш, ахборот,режалаштириш,инвестиция

11.Молиявий дастаклар тўғри кўрсатилган қатор?

- a) фойда,рентабеллик,тушум, валюта курслари фарқи
- b) кредит турлари, маъсулият,инвестиция,дисконт
- c) кредитлаш, молиявий санкциялар,амортизация
- d) тушум,кредит турлари, кредитлаш,куйилмалар
- e) фоиз ставкалари, дисконт,молиявий санкция

**3.Хўжалик юритувчи субъектларнинг молиявий барқарорлиги бўйича кроссворд тузинг .**

##### **4.Глоссарийнинг номини ёзинг:**

.....- кенгайтирилган ишлаб чиқаришни молиялаштириш учун етарли бўлган, капитални жамқариш мақсадида корхона пул маблағлари фондини бошқаришнинг молиявий стратегиясидир.

## **2-топшириқ**

### **1.Саволга жавоб ёзинг.**

**Хўжалик юритувчи субъектларнинг нарх сиёсати деб нимага айтилади?**

### **2.Тестни ечинг:**

1.Корхонани банкротлиги жаҳон амалиётида қандай сабабларга кўра юзага келади?

- a) молиявий ва ташкилий сабаблар
- b) глобал сабаблар
- c) эфектив сабаблар
- d) a,b
- e) a,c

9. Олинги даромадлар хисобига харажатларни қоплаш –

- a) молиявий усиш
- b) эфектив усиш
- c) ўзғўзини молиялаштириш
- d) ўзини ўзи коплаш
- e) c,d

10.Молиявий менежментнинг функциялари:

- a) режалаштириш, тартибга солиш, таваккалчилик,прогнозлаштириш, ташкил этиш
- b) режалаштириш, тартибга солиш, рагбатлантириш,прогнозлаштириш, ташкил этиш
- c) тартибга солиш, прогнозлаштириш, ташкил этиш, рагбатлантириш , жамғариш
- d) рагбатлантириш, прогнозлаштириш,огохлантириш,тартибга солиш,ташкил қилиш
- e) прогнозлаштириш,ташкил қилиш, ахборот,режалаштириш,инвестиция

11.Молиявий дастаклар тўғри кўрсатилган қатор?

- a) фойда,рентабеллик,тушум, валюта курслари фарқи
- b) кредит турлари, маъсулият,инвестиция,дисконт
- c) кредитлаш, молиявий санкциялар,амортизация
- d) тушум,кредит турлари, кредитлаш,куйилмалар
- e) фоиз ставкалари, дисконт,молиявий санкция

**3.Хўжалик юритувчи субъектлар молиявий барқарорлиги: баҳолаш, кўрсаткичлари, ошириш йўллари бўйича кроссворд тузинг .**

### **4.Глоссарийнинг номини ёзинг:**

.....- комплекс тушунча бўлиб, унинг хўжалик ва тижорий фаолияти жараёнида вужудга келадиган молиявий муносабатлар барча элементларининг ўзаро таъсирчанлигини акс эттиради.

## **4.ГЛОССАРИЙ**

**14-мавзу: Хўжалик юритувчи субъектларнинг молиявий барқарорлиги; баҳолаш, кўрсаткичлари ошириш йўллари.**

**Вужудга келиш жойига қараб** (В зависимости от места возникновения, Depending on the place of occurrence) ХЮСларнинг молиявий барқарорлигига таъсир кўрсатувчи омиллар қўйидаги икки гурухга бўлинади:

- ички;
- ташқи.

**Натижасининг муҳимлигига қўра** (По важности результатов, According to the importance of the results of) молиявий барқарорликка ўз таъсирини кўрсатувчи омиллар қўйидаги икки гуруҳдан ташкил топади:

- асосий омиллар;
- иккинчи даражали аҳамиятга эга бўлган омиллар.

**Таркибий тузилмаси бўйича** (Структура, Structure) ХЮСларнинг молиявий барқарорлигига таъсир кўрсатувчи омиллар қўйидаги икки гуруҳдаги омиллардан таркиб топади:

- оддий;
- мураккаб.

**Харакат этиш даврига мувофиқ** (По периоду, According to the period) молиявий барқарорликка ўз таъсирини кўрсатувчи омилларни қўйидаги икки гурухга ажратиш мумкин:

- доимий;
- вақтинчалик.

**Ички барқарорлик** (внутренняя стабильность, internal stability) ХЮСнинг шундай молиявий ҳолатидирки, унда фаолият кўрсатишнинг барқарор юқори натижаси, энг биринчи навбатда, ички омилларнинг фаоллаштирилиши ҳисобидан таъминланади.

**ташқи барқарорлик** (внешней стабильности, external stability) ХЮСнинг шундай молиявий ҳолатидирки, у доирасида ХЮС фаолият кўрсатадиган иқтисодий муҳитнинг барқарорлиги билан белгиланади. Бундай барқарорлик бутун мамлакат масштабида ривожланаётган иқтисодиёт шароитида эришилади.

**Умумий барқарорлик** (общая стабильность, the general stability) ХЮСнинг шундай молиявий ҳолатидирки, унда ички ва ташқи омилларнинг ўзаро таъсиранлигини фаоллаштириш ҳисобидан маблағлар тушумининг уларнинг харажат қилинишидан ортиқчалиги таъминланади.

**ХЮСнинг молиявий ҳолати** (Финансовое состояние Хьюз, The financial condition of the Hughes) комплекс тушунча бўлиб, унинг хўжалик ва тижорий фаолияти жараёнида вужудга келадиган молиявий муносабатлар барча элементларининг ўзаро таъсиранлигини акс эттиради.

## **5.АДАБИЁТЛАР РЎЙХАТИ**

1. Ваҳобов А., Маликов Т. Молия: дарслик. – Т.: Ношир, 2011. – 712 б.
2. Финансы: учебник для бакалавров / Под ред. М. В. Романовского, О. В. Врублевской. – 3-е изд., перераб. и доп. – М.: Издательство Юрайт, 2012. – 590 с.
3. Маликов Т., Тилабов Н. Молия: тест (савол-жавоблар). – Т.: Академнаср, 2013. – 448 б.
4. Ваҳобов А., Қосимова Г.А. Давлат молиясини бошқариш. – Т.: Иқтисод-молия, 2008 й.
5. Ваҳобов А, Маликов Т. “Молия: умумназарий масалалар” ўқув қўлланма Тошкент, “IQTISOD-MOLIYA”, 2008 й., 316 б.
6. Ваҳобов Д., Ражабов Ш. “Молия” ўқув қўлланма Тошкент, “IQTISOD-MOLIYA”, 2009 й., 200 б.
7. Маликов Т.С. Хўжалик юритувчи субъектлар молияси, ўқув қўлланма, Т.:2010 й..
8. Маликов Т.С., Ваҳобов Д. Молия: чизмаларда. Ўқув қўлланма, Т.: “Иқтисод-молия”, 2010й .
9. Маликов Т., Жалилов П. Бюджет-солиқ сиёсати, ўқув қўлланма, Т.: 2011 й.
10. Маликов Т., Хайдаров Н., “Давлат бюджети” ўқув қўлланма, Тошкент: “IQTISOD-MOLIYA”, 2007 й., 84 б.
11. Маликов Т., Хайдаров Н., “Бюджет даромадлари ва харажатлари” ўқув қўлланма, Тошкент: “IQTISOD-MOLIYA”, 2007 й., 245 б.
12. Маликов Т., Хайдаров Н., “Бюджет: тизими, тузилмаси, жараёни” ўқув қўлланма, Тошкент “IQTISOD-MOLIYA”, 2008 й., 84 б.
13. Маликов Т. Ҳайдаров Н. “Молия: умумдавлат молияси” ўқув қўлланма Тошкент, “IQTISOD-MOLIYA”, 2009 й., 556 б.

## **6. ТАҚДИМОТ МАТЕРИАЛЛАРИ**